

BOSNA I HERCEGOVINA

Ministarstvo za ljudska prava i izbjeglice

Agencija za ravnopravnost spolova
Bosne i Hercegovine**BOSNIA AND HERZEGOVINA**

Ministry for Human Rights and Refugees

Gender Equality Agency of
Bosnia and HerzegovinaBroj: 01-02-616-1/14
Datum: 26.05.2015.ŽENSKA MREŽA BIH,
Fondacija Cure, koordinirajuća organizacija
Čekaluša broj 16,
71 000 Sarajevo**PREDMET:** Obavijest o Zahtjevu za ispitivanje povrede odredbi Zakona o ravnopravnosti spolova u Bosni i Hercegovini, **dostavlja se****VEZA:** Vaš dopis broj: 90/15 od 13.05.2015. godine

Poštovane/i,

Obaviještavamo Vas da je Agencija za ravnopravnost spolova Bosne i Hercegovine, Ministarstva za ljudska prava i izbjeglice Bosne i Hercegovine (u daljem tekstu: Agencija) postupajući po Vašem zahtjevu od 13.05.2015. godine, u skladu sa članom 26. stav (1) tačka i) Zakona o ravnopravnosti spolova u Bosni i Hercegovini („Službeni glasnik BiH“ broj 32/10 - prečišćeni tekst), po kojem Agencija „prima i obrađuje molbe, žalbe i predstavke osoba i grupa osoba u kojima se ukazuje na povrede nekog prava iz ovog Zakona“, te u vezi sa članom 3. stav (1) **Jedinstvenih pravila za primanje i obrađivanje zahtjeva za ispitivanje povreda Zakona o ravnopravnosti spolova** („Službeni glasnik BiH“ broj 72/12 - u daljem tekstu Jedinstvena pravila), uputila zahtjev na izjašnjenje predsjedavajućem Vijeća ministara Bosne i Hercegovine gđinu Denisu Zvizdiću i predsjedavajućem Komisije za ostvarivanje ravnopravnosti spolova PDPSBiH gđinu Mirsadu Isakoviću.

U skladu sa članom 9. i članom 10. stav (1) Zakona o Vijeću ministara („Službeni glasnik BiH“ broj: 30/03,42/03,81/06,76/07,81/07,24/08), a prema članu V.4 Ustava Bosne i Hercegovine, predsjedavajući Vijeća ministara BiH, najkasnije u roku od 35 dana od kada Predstavnički dom potvrdi njegovo imenovanje, a u skladu s postupkom utvrđenim ovim zakonom imenuje ministre i zamjenike ministara i traži od Predstavničkog doma PSBiH potvrdu imenovanja.

U skladu sa članom 19. stav (2) Jedinstvenih pravila Agencija može nastaviti razmatrati navode iz zahtjeva ukoliko se druga strana ne izjasni u roku od 15 dana od dana prijema navoda iz zahtjeva.

S poštovanjem,

 Direktorica
Samira Lipović – Hadžiabdić

Dostavljeno:-Naslovu
-a/a

Broj: 03-02-01-7/15

Sarajevo, 08.06.2015. godine

**Ženska mreža BiH,
Koordinirajuća organizacija Fondacija Cure
Čekaluša broj 16
71 000 Sarajevo**

PREDMET: Obavještenje u prosljeđivanju Vašeg Zahtjeva za ispitivanje povreda Zakona o ravnopravnosti spolova BiH na izjašnjenje, dostavlja se

Poštovane/i,

Obavještavamo da je Gender Centar Federacije Bosne i Hercegovine dana 20.05.2015. godine (u daljem tekstu: Gender Centar) proslijedio Vaš Zahtjev za ispitivanje povrede člana 20. Zakona o ravnopravnosti spolova u BiH - prečišćeni tekst („Službeni glasnik BiH“, broj: 32/10) Uredu Premijera Federacije Bosne i Hercegovine, radi izjašnjenja povodom istog.

Dana 03.06.2015. godine, u Gender Centru je zaprimljen odgovor Ureda Premijera Vlade Federacije Bosne i Hercegovine u kojem smo obavješteni da je Premijer Vlade Federacije Bosne i Hercegovine u potpunosti opredjeljen za dosljednu primjenu zakona, tako i Zakona o ravnopravnosti spolova u BiH, koji garantira ravnopravnu zastupljenost spolova u upravljanju, procesu odlučivanja i predstavljanju.

Kada je u pitanju sastav Vlade Federacije Bosne i Hercegovine, iz Ureda naglašavaju da je u strukturi Vlade Federacije Bosne i Hercegovine daleko veća zastupljenost ministrica u odnosu na strukturu svih dosadašnjih vlada, počev od 1996. godine, te da treba imati u vidu da su četiri ministricе imenovane na vrlo odgovorne pozicije u Vladi, uključujući i poziciju Zamjenice Premijera Federacije Bosne i Hercegovine.

U obavještenju stoji da Premijer Federacije Bosne i Hercegovine nije nadležan za imenovanje Vlade Federacije Bosne i Hercegovine, budući da u skladu sa Ustavom Federacije Bosne i Hercegovine, Vladu imenuje Predsjednik Federacije Bosne i Hercegovine, uz saglasnost oba potpredsjednika, a potvrđuje većinom glasova Predstavnički dom Parlamenta Federacije Bosne i Hercegovine.

U skladu sa navedenim, Gender Centar je dana 08.06.2015. godine, vaš Zahtjev prosljedio na izjašnjenje Uredu Predsjednika Federacije Bosne i Hercegovine i Predsjedavajućem Predstavničkog doma Parlamenta Federacije Bosne i Hercegovine.

S poštovanjem,

RAVNATELJICA

Ana Vuković

Dostavljeno:

- Naslovu
- a/a